

## UGOVORNE STRANE

1. JU Osnovna škola „Grbavica II“, Behdžeta Mutevelića bb, 71000 Sarajevo (ID broj: 4200167950004), zastupan od strane direktora Sabahudin-Dino Bakal (u daljnjem tekstu: NARUČITELJ), i
2. „INGEL“ d.o.o. Tuzla, Mehmedalije Maka Dizdara do B11-PZC „Stupine“ 45A/P, 75 000, Tuzla (ID broj: 4209157810007 ), zastupan od strane direktora Nedžada Isabegovića (u daljnjem tekstu: ISPORUČITELJ),

zaključili su u Sarajevu dana 11.12.2018. godine

## UGOVOR

### o kupovini servera i kompjutera

#### I PREDMET UGOVORA

##### Član 1.

Predmet ovog Ugovora je kupovina Servera i kompjutera za potrebe Naručiitelja specificirane u predračunu Isporučitelja broj: 0264 od dana 10.12.2018. godine, koja čini sastavni dio ovog Ugovora.

#### II CIJENA I NAČIN PLAĆANJA

##### Član 2.

Ukupna vrijednost robe iz člana 1. ovog Ugovora, prema specificiranim količinama i ugovorenim jediničnim cijenama, iznosi **3.500,00 KM** sa PDV -om, (trihiljadeipetsto i 00/100 ).

##### Član 3.

Plaćanje po ovom Ugovoru, Naručiitelj će izvršiti u roku od 15 dana od dana izvršene isporuke informatičke robe.

Kao dokaz izvršene isporuke prilaže se zapisnik o kvantitativnom i kvalitativnom prijemu predmetne robe, potpisan od strane osobe ovlaštene za kontrolu i prijem naručene robe.

Ukoliko Isporučitelj ne isporuči robu u skladu sa zahtjevima iz tehničke specifikacije Ugovora, roba neće biti plaćena i stavit će se na raspolaganje Isporučitelju.

#### III ROK ISPORUKE

##### Član 4.

Isporučitelj se obvezuje da će informatičku robu iz člana 1. ovog Ugovora isporučiti u sjedište Naručiitelja u maksimalnom roku od 30 dana po potpisivanju Ugovora

#### IV PRAVA I OBAVEZE ISPORUČITELJA

##### Član 5.

Isporučitelj je dužan:

- isporučiti robe
- izvršiti sve radnje neophodne da roba bude spremna za prijem kao što su: pakiranje, otprema, utovar, prevoz i osiguranje, obavljanje svih neophodnih administrativnih i komercijalnih formalnosti, te prevoz i istovar do krajnje destinacije, instalaciju i montažu,
- odgovara za uredno izvršenje Ugovora prema važećim propisima, štiti prava i interese Naručiitelja, te ga obavještava o toku realizacije Ugovora,
- snosi sve rizike do konačnog prijema robe na krajnje odredište, u roku koji je propisan Ugovorom.

##### Član 6.

Isporučitelj garantira da je roba nova, nekorištena, i da u sebi sadrži sva najnovija poboljšanja u smislu dizajna, materijala ili izrade, osim ako takav izbor nije bio zahtjevan u specifikacijama od strane Naručiitelja. Isporučitelj garantira da roba odgovara za svrhu za koju treba da se koristi, da će funkcionirati kako je to navedeno u proizvođačkoj tehničkoj specifikaciji. Isporučitelj je obavezan osigurati garanciju proizvođača na isporučenu robu. Garantni rok na robu je naznačen za svaku stavku pojedinačno i teče od dana isporuke iste. Isporučitelj ne odgovara za štetu nastalu na proizvodima do koje je došlo uslijed

neadekvatnog skladištenja, loše manipulacije od strane Naručiitelja ili uopće postupanja Naručiitelja suprotno propisanim standardima za čuvanje i manipuliranje isporučene informatičke robe.

## V PRAVA I OBAVEZE NARUČITELJA

### Član 7.

Naručiitelj se obavezuje da:

- izvrši obaveze iz člana 3. ovog Ugovora,

- izvrši preuzimanje robe i da bude uz Isporučiitelja pri provjeri iste. U ime Naručiitelja, kvantitativni i kvalitativni prijem predmetnog materijala, sačinjavanje i ovjeravanje zapisnika o kvalitativnom i kvantitativnom prijemu robe izvršiti će osoba ovlaštena za prijem iste. U slučaju da se utvrdi da je roba oštećena ili neispravna, odnosno nesaobrazna sa narudžbom, o tome će se sastaviti poseban izvještaj i isti uputiti Isporučiitelju da se u roku od 15 dana izjasni u pogledu utvrđenih nedostataka na robi.

### Član 8.

Kao ovlašteni predstavnik na praćenju izvršenja ugovornih odredbi, u smislu isporuke računarske robe instalacije i montaže, određuje se zaposlenik JU Osnovne škole „Grbavica II“, Mirsad Hadžibegović.

## VI VIŠA SILA

### Član 9.

Ako slučaj više sile koja potpuno ili djelimično spriječi trajno ili privremeno izvršenje obaveza po iznosu ovog Ugovora, Ugovorna strana koja se poziva na taj slučaj obavezna je da u roku od 7 dana od dana nastanka više sile o tome obavijesti drugu Ugovornu stranu na način koji je u datoj situaciji moguć (telegram, telefax i sl.).

Pod višom silom u smislu prethodnog stava podrazumijeva se događaj ili okolnost koji nisu postojali u vrijeme potpisivanja ovog Ugovora, koji su nastali mimo volje i moći Ugovorne strane, čije se nastupanje nije moglo predvidjeti i čije se posljedice nisu mogle izbjeći ili otkloniti mjerama i sredstvima koja se mogu u konkretnoj situaciji opravdano tražiti i očekivati od strane koja je pogođena višom silom.

## VII ZAVRŠNE ODREDBE

### Član 10.

Sporove po ovome Ugovoru, Ugovorne strane će riješiti sporazumno. Ako u postupku rješavanja spora ne dođe do rješenja, nadležan je Općinski sud u Sarajevu.

### Član 11.

Sve izmjene ovog Ugovora mogu se vršiti isključivo i samo uz pismenu saglasnost Ugovornih strana.

### Član 12.

Ovaj Ugovor stupa na snagu danom potpisivanja od strane ovlaštenih osoba Ugovornih strana.

### Član 13.

Ovaj Ugovor sastavljen je u 4 (četiri) istovjetna primjerka od kojih svaka ugovorna strana zadržava po 2 (dva) primjerka.

INGEL d.o.o. Tuzla

Mirsad Hadžibegović

Broj: \_\_\_\_\_

JU OŠ „Grbavica II“ Sarajevo

Sabahudin-Dino Bakal, prof.

Broj: 01-1167/18